

KOMISIN BILONG PAINIMAUT OL KAIN KAIN TINGTING BILONG STRONGPELA DRING I RAUN YET NA I KISIM PLANTI KAIN TOKBEK. EM HIA SAMPELA.

(WEWAK)

Kiap Kerry Leen i tok mobeta ol i no putim nem bilong bia long ol siot na niuspepa samting

(WEWAK)

Pater Liebert i ting ol pipel i egens long dring bihain ol i bin pilim pinis ol trabel i kamap long strongpela dring tasol.

(GOROKA)

Ol 78,000 Luteran i salim 25 tokman i

go long kibung bilong Asaroka. Ol i laik bai ol man i mas vot wantaim moa bilong painimaut ol i laik tambuim dring gen o nogat.

(MADANG)

Misis Adilia Bata i sanap olsem tokman bilong 50 meri marit na i tok gavman i mas tambuim ol strongpela dring olgeta. Sapos nogat, bai ol famili i bagarap tru.

(MADANG)

Misis Galiki Taukuko i tok mobeta ol meri yet i baim dring bilong ol man. Olsem ol inap pasim mani bilong baim kaikai long ol famili bilong ol.

(LAE) Mista Knoll, Welfe Ofisa, i tok planti famili bipo i bungim mani bilong baim ol gutsamting bilong haus. Nau ol i bungim mani bilong baim dring tasol.

(LAE)

Dring i mekim plan-ti man moa i kamap long kalabus.

(LAE)

Kiap Mista Hardy i no laikim ol stuakipa i gat laisens bilong salim ol strongpela dring. Ol draiva bilong ol trak na PMV i mas tambu tru long dring bipo long ol i go draiv.

(LAE)

Memba bilong Haus Asembli, Mista Kaniniba, i tok man i westim ol mani bilong famili bilong em long dring, em i mas tambu olgeta long dring inap 6-pela mun.

Em Hia 12-pela Lokal Gavman Kaunsila i Kam Bek Pinis Long Lukluk Raun Long Australia



Yumi painim long lain bihain (kirap long lephan): Kelwa (Manus), Ailan Bena Banupa (Kairuku/Sentral), Raim (Mt. Giluwe/Westen Hailans), Kelega (Sinasin/Chimbu), Dickson Hango (Ilimo/Noten), Phillip Tamakekei (Rigo/Sentral), Simongi (Pindia/Morobe). Long lain i go pas yumi painim (kirap long lephan): Gorogoro (Almani/Madang), Walpui (Sian/W. Sepik), Andrew Andaija (Tari/Saten Hailans), Jack Gamani (Gogodaia/Westen), Herman Beri (Wewak).

PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prininem bilong yu tru, orait yu raitim arapela nem bilong yu tu.

NO BAGARAPIM TOLAI

Dia Edita.- Sampela man na meri i save tok-tok narakain long ol Tolai. Ol i tok se, ol Tolai ol i kisim edukesen pastaim long ol man meri hia long Teritori. Tasol ol pasin bilong kilim man i stap long Rabaul.

Man yu husat dispela man o meri yu tok olsem yu spoilim nem bilong ol Tolai pipel. Planti Tolai pipel ol i gutpela. Tasol sampela liklik lain tasol i save spak.

Tasol dispela pasin i no stret long bagarapim nem bilong ol Tolai. Mi raitim dispela tok olsem. Tasol mi no wanpela Tolai tasol mi ting dispela pasin i no stret. Yu mas tingting pastaim na bihain toktok. Manmeri i hap bel long dispela toktok rait tasol i go Wantok Nius.

Nicholaus Severing
Ulamona, Rabaul.

SOLDIA I TOK

Dia Edita.- Nau mi laik bekim liklik toktok bilong Misis Ga Tumun. Nating yu no tingting gut long hap tok yu tok. Em i olsem laik bilong mipela ol meri yet kirapim kantri i go het Plis inap bai yu tok gut long dispela hap tok gen. Yupela ol meri maritim waitskin kirapim

kantri i go het olsem wanem tru? Mi no save tru hau yupela save kirapim kantri.

Mi stap long Moresby we planti meri Papua o New Guinea maritim waitskin tasol mi no lukim wanpela samting ol i wokim bilong kirapim kantri i go het.

Tom Damien
Port Moresby.

PLAK NA SINGLIS

Dia Edita.- Yes mi save lukim singlis i gat plak bilong Papua New Guinea em i no stret long ai bilong mi. Bilong wanem. Mi laikim olsem mipela ol man mas larim long ol meri tasol i mas werim dispela singlis bikos ol i werim na ol i smat moa moa yet.

Herman B. Wagia
Wewak

KROS LONG KAGO

Dia Edita.- Mi harim planti taim, ol man bilong Sepik i tok long kago kal, olgeta taim. Mr. Daniel Awina, wantaim Mr. Mathias Aliwan, tupela i mekim rabis tok tru long ol pipel bilong Sepik Distrik. Wanem samting yupela i kisim pinis, yutupela i tokim ol man, long niuspepa, na mipela i harim. Yupela ol man bilong Is Sepik Distrik i kisim hamas mani, o ka, o balus, o ol sampela klos tu o nogat? Nogut yupela i

paullim tingting bilong ol man bilong New Guinea. Lukim ol dai man stret, na ol kago tu olsem, em i orait. Tok nating em i no stret long hap bilong yupela.

Dui William
Mt. Hagen.

DIA OL PREN

Sapos yu laik save tru long tingting bilong dispela kantri, yu mas ritim ol pas hia. Ol i kam long olgeta hap tru; long Aitape, Rabaul, Port Moresby, Hagen, Chimbu, Wewak, Madang, Bougainville, Manus.

Salim sampela moa i kam. Tenkyu.

PE DAUN TAKIS ANTAP

Dia Edita.- Mi bin raun tru long bikples na ailan long Manus. Mi bin harim planti man ol i stap long wari. No gat mani bilong baim skul bilong pikinini. No gat mani bilong takis bilong kaunsil. Tu ol kokonas plantesin, kakau, kopi, na raba, ol yangpela yet na ol i no kisim sampela mani aut long fam bilong ol.

Yu ken luk save planti pikinini manmeri i no go long skul. No bikos ol i fel long eksem. Nogat. Yu ken lukim planti man i kisim hap pepa ol i kolim samon pepa. Long las yia klostu 400 man na meri ol bin kam long kot. Tasol ol laki long sampela pren bilong ol i

helpim ol. As bilong em, bikos mani i no gro yet.

Yupela ol kaunsila i stapim maus bilong yupela long dispela hap tok, apim moa takis. Larim i go long ol lain man bilong didiman. Sapos ol i tok em nau olgeta ples i gat inap samting bilong salim na kisim mani. Orait yupela kaunsila i laik putim kaunsil takis i go \$50 o \$100 dola. Em i orait.

Tu ol samting yumi save salim olsem kokonas, kakau, kopi, na raba. Pe bilong ol i kam daun pinis. Na olsem wanem bai takis i antap?

Jonah Sapak Salien,
Manus.

WOKABOUT NATING

Dia Edita.- Mi laik bekim pas bilong susa ya Veronica Duba. Yes susa Veronica, yu tok olsem: putim sotpela sket em i samting bilong laik bilong wan wan. Tasol yu save putim sket i hangamap nating na hap bodi bilong yu i stap ples klia. Na ol man i save lukim na pundaun tru long en. Sapos man i holim yu, bai yu ken larim em? Mi ting bai yu go krai long kaunsil bilong yu.

Susa yu no ken lukim dres bilong ol misis na seksek. Na yu tu laik putim dres olsem ol? Em samting bilong ples bilong ol i save putim dres olsem. Na yumi hia long New Guinea i arakain liklik.

Sapos yu laikim tumas sotpela sket, mobeta yu rausim olgeta na wokabout nating. Bai mipela i ken lukim yu na amamas tru.


Philip Namtane
Aitape

MERI YU LUS TRU

Dia Edita.- Mi laik bekim pas bilong Veronica Duba. Yes Veronica, yu bin tok mipela ol man i save lus tru. Mipela i yusim koman sens bilong mipela long helpim yupe- la meri long dres gut. Tasol yu, yu yet Veronica yu save lus tru. Yu save putim mini mini sket bilong traim ol man tasol.

Ating yu hap lapun pinis na yu no painim wanpela man bai i amamas long yu bai i laik maritim yu. Olsem na yu save putim mini sket, bambai, long taim yu ben daun olgeta man i ken lukim as bilong yu. Yu no ken tok mipela ol man i save lus. Nogat yu yet Veronica Duba, yu moa moa yet long lus. Yu harim?

Michael KanKan,
Kokopo.




LO I LAIK KAM

Dia Edita.- Hia mi laik autim sampela tingting bilong mi. Planti man long Halopa ol i tingting, na ol i pret tu. Long wanem ol i stap na nau tok bilong selp gavman i laik kamap nau ol i kirap long wok. Tasol trangu tru long ol man bilong giaman man ol i save wokim kago kal. Na ol i save giaman kolim nem bilong Yali, Ol i tok bai lo i kamap nating. Nau mi lukim ol i no gat wok bisnis. Tasol ol i krai long selp gayman. Ol i tok bai lo i kam wantaim selp gayman. Mi save harim na mi save sem tru long harim. Ol i tok ol misin na gayman i pasim rot bilong lo i laik kam.

I tru yu ken wokim.

Tasol bai yu lus tru. Ol wantok taim bilong tuhat bai kam. Bai yu pilim bihain. Yu ken wokim, tasol yu mas traim putim liklik bisnis tu. Nogut maus i pairap nating long lo. Em tasol.


Wilhelm Nimbi,
Halopa, Madang.



MERI KROS

Dia Edita.- Yes brata Seth-ni Robin nau yu harim. Pulim tang i no bikpela samting bambai yu no inap kisim selp gavman? Bikpela samting em hia harim! Ol meri i save i go long hotel na, dring dring dring dring dring na spak spak spak spak spak i kam? Ol meri i save i go sikirapim wol long haus bilong man? Nogat. Na i go brukim dua, na i go antap na kirapim man? Ol meri i save i go long bikpela stua na brukim na i go insait na stilim samting long stua? Mipela meri i kam bihain yu yet man yu tok long maus bilong yu: mi laik kisim selp gavman. Orait yu mekim dispela pasin nogut, olsem bambai, yu laik givim hevi long mipela ol meri? Yu yet man, tenkyu.

Antonia Sali,
Wewak.



SIK NOGUT

Dia Edita.- Mi laik autim wanpela wari bilong mi long ol man meri long taun na long ol viles nabaut. Mi lukim planti man na meri ol i kisim kain sik ol i kolim SIFLIS na goneria. Dispela kain sik i no gut. Long wanem, kantri bilong yumi bai i bagar-


ap. Sapos dispela kain sik i kamap moa moa yet.

Long Hailans planti skul boi na skul gel i kisim dispela kain sik. Long wanem? Em ol i pamuk tumas. Na tu sampela wokman na meri ol i kisim dispela kain sik tu.

Na long dispela as bilong trabel, em ol draiva na ol sampela rabismeri i save kalap long ka na i save ran tumas long Lae. Em i kisim dispela sik i kam antap long Hailans na klostu olgeta man i bagarap long dispela sik nogut.

Nau mi yangpela man, na mi wari tumas bai mi maritim wanem kain meri bihain. Sapos dispela sik i kamap long olgeta hap bilong Papua New Guinea, bai wanem samting i ken kamap long kantri bilong yumi?

Peter Dingi
Chuave, Chimbu.



MANI BOSIM YU

Dia Edita.- Mi laik bekim pas bilong Gelong Lotson long hap bilong Bulolo. Masta Lotson yu bin tok olsem as bilong masta Kuk o husat waitman i maritim netif meri i olsem em i rabisman. Dispela hap tok i no tru.



Olsem wanem Gelong Lotson? Yu save long hamas mani i stap long poket bilong Jim Kuk? Wanem? Yu ting olsem mani em i as bilong maritim? Sapos yu tingting tasol long mani i mobeta yu no maritim waitmeri o netif meri. Stap olsem wanpis na spendim mani bilong yu olsem yu laik. Dispela Redio Bougainville i save kolim laik bilong wan wan. Em i as bilong maritim. Sapos yu laik save gut tru long as bilong maritim em hia "LOVE"

ol i kolim olsem long tok inglis.

Sapos yu husat waitman i laik o tingting long maritim netif meri na gat dispela aidia olsem bambai yu no ken spendim mani inap olsem \$100 o \$200 long wandu (olsem Gelong Lotson i tok) i mobeta yu no ken maritim em. Dispela em i no tru maritim. I maritim bilong sevim mani tasol.

Na liklik toktok bilong mi long yumi olgeta netif gel i olsem. Sapos husat waitman i laik maritim yumi i mobeta yumi askim em gut tru yet sapos em i lavim yumi tru o i laik maritim yumi tasol olsem bambai em i no ken spendim mani inap olsem \$100 o \$200 long wandu. Long pinisim pas bilong mi, mi tok olsem dispela hap tok yu Gelong Lotson i bin mekim long Jim Kuk i no tru. Mi no pilipim.

Maureen Talmits
Wes Bougainville.



HUSAT?

Wanpela man o meri bilong Popondetta i salim wanpela pas i kam long WANTOK wantaim sampela mani. Man i no, raitim nem bilong em na adres tu. Olsem nau mipela i no save husat i salim dispela mani. Plis tokim mipela.

Mipela i no tokim yu hamas mani. Man hia i save pinis. Plis em i mas salim nem na adres bilong em i kam long

mipela hia long WANTOK

Ol pren, oltaim yumi mas raitim nem na adres bilong yumi long ol pas. Tenkyu.

INSAIT LONG OL POLITIK

(I KAM LONG NEW GUINEA NEWS SERVICE)

PAPUA I WARI

Nau tasol 5-pela memba bilong Haus Asembli bilong Papua i bin kam bek long Australia. Ol i bin go toktok wantaim minista bilong ol Teritori, Mista Barnes.

Dokta Guise, spika bilong Haus Asembli i no go wantaim ol, em i no laik. Em i tok em i pret ol man hia i no redi yet long mekim bikpela toktok. Tasol Mista Oala Oala-Rarua i kam bek na i tok ol i hepi tru long ol samting ol i bin harim long ol bikpela bilong Australia.

Ol Papua i bel nogut long wanem ol i pilim Australia i save helpim New Guinea planti, tasol em i no save tingting long Papua.



Dokta Guise
Wantok i Tok

Em i tru na long dispela niuspepa WANTOK yet mipela i bin tok long mun Desemba olsem:

"Ol Papua i tingting planti, ol i no save bai ol i mas mekim wanem samting. Sampela ol i ting ol i bilong Australia tru. Tasol ol i no ken lusim Papua New Guinea na go long Australia sapos ol i no holim wan-

pela tiket i tok orait long ol. I olsem ol i no Australia tru. Nogat."

Orait bihain mipela i bin soim em i namba wantaim Mista Barnes i go lukluk raun long Papua. Bipo oltaim ol kain man olsem i lukluk raun long New Guinea tasol. Ol Australia i pret long Yunaitet Nesens na olsem ol i mekim olsem. Tasol i no gat wanpela man i ken krosim ol long Papua.

Tasol long dispela yia ol Papua i kirap nogut tru. Ol i pret. Ol i no laik aninit long ol New Guinea. Na ol i kros i tok gavman bilong Australia i givim planti ol gutpela samting long New Guinea na liklik nating long Papua.

Olsem na ol i bung na ol i salim dispela 5-pela man i go toktok long Australia stret.

Nupela Aidia

Ol i gat wanpela nupela tingting. Ol i tok, mobeta bai i gat 4-pela bikpela hap o distrik o stet long dispela kantri bihain. Em hia ol 4-pela: New Guinea bikples, ol New Guinea ailan, Papua, na Hailans, Bai wan wan i gat wankain strong tasol na Papua tu i gat strong inap long ol arapela.

Tasol ol i no kisim tru planti samting long ol bikpela bilong Australia. Ol i kisim planti promis tasol.

Orait, nau yumi go bek na painim as bilong ol dispela trabel long stori bilong Papua. Em i go olsem.

Stori Bilong Papua

Long yia 1884 ol Jeman i kam kisim olgeta hap bilong New Guinea na ol ailan olsem Manus na Nu Briten na Nu Ailan na Bougainville.

Na long dispela taim yet, 1884, ol Englan i kam kisim Papua bilong ol stret. Em i olsem Teritori bilong Englan yet.

Long yia 1906 Englan i givim Papua long Australia.

Tasol Papua i no kamap distrik o stet tru bilong Australia olsem ol arapela 7-pela hap. Inap 1960 Englan i salim mani i kam bilong helpim go het bilong Papua. Long yia 1906 inap 1920 Australia i kisim dispela wok.

Bihain long woa Australia i kisim wok bilong ranim New Guinea aninit long Yunaitet Nesens na olsem em i bungim tupela kantri wantaim.

Tasol inap tude long ai bilong lo, ol Papua ol i sitisen tru bilong Australia. Ol New Guinean nogat. Tasol dispela samting i no helpim ol Papua liklik. Ol i no ken kisim pe wankain long ol Australia; ol i no ken go nating long Australia.

Ol Papua ol i singaut long gavman bilong Australia i mas salim sampela memba bilong bikpela haus asembli i kam lukluk raun na askim ol Papua long tingting bilong ol. Tasol Mista Barnes i no laik. Olsem tasol na wanpela lain memba bilong mipela bilong Papua stret i kirap



Mista Barnes

i go long Australia na i toktok wantaim Mista Barnes.


Ol lida Papua i bel hevi i pret Australia i laik lusim Papua. Ol i pret bai Papua i kamap hap bilong Yunaitet Nesens olsem New Guinea.

Papua em Moresby

Tasol wanpela samting ol Papua i no laik lukim em hia: sapos yu tekewe namba wan gavman long Port Moresby, bai Papua i gat wanem samting? Nau planti mani tumas i go long Papua Port Moresby. Tasol Papua i winim wanem mani? Ol i gat wanem samting long salim? Ol samting bilong salim i kam long New Guinea tasol. Olsem na New Guinea i kros i tok: ol Papua i kisim ol samting na mipela i givim ol samting. Em i no stret. Mobeta Papua i tingting long dispela samting.

Na Australia i ting wanem? Bai Papua i ken givim wanem samting long Australia? Ol i tingting planti...na ol Papua nau i seksek.

OLGETA HARIM GUT!



Dispela sop pauda, ol i kolim "COLD POWER" i nambawan tru. Em i wasim na rausim tru ol kainkain pipia long ol klos bilong yu.

Dispela sop pauda i gat wampela kain strongpela marasin long en i save mekim save tru long rausim ol kain pipia – long ol klos.

Yu ken usim wara long tang or long wara nating. Dispela i kol wara. Sop "COLD POWER" i strong moa na i ken rausim ol pipia long klos bilong yu.

edita go pinis

Long wik i go pinis Mista Ray Goodey, namba wan edita bilong niuspepa WANTOK, i bin lusim New Guinea long go bek long Australia.

Mista Goodey wantaim meri bilong em Frances tupela i bin i stap long Wewak inap long 3-pela yia olgeta. Bipo tupela i stap long Vunapope long Rabaul, na Mista Ray Goodey i kirapim Katolik Niuspepa ol i kolim "Kundu".

Mista Ray Goodey em i bin kamap long Hawera long kantri bilong New

Zealand, na em i bin statim wok bilong em long "Hawera Star" niuspepa. Pastaim em i wok long wanpela bikpela masin i olsem taipraita tasol i bikpela moa.

Bihain em i kisim wok bilong niusman stret.

Inap nau Niuspepa Wantok i bin primum 220 pas i kam long ol pipel, samting olsem 480 poto na moa long 508 pes olgeta.

Wantok i bin primum samting olsem 150,000 (wan handet fiti tausen) niuspepa olgeta.

I gat 6-pela pipel i wok tru long niuspepa nau em hia: Mr. Albert Singer, Mr. Brian Namiat, Mis Crescentia Lementi, Misis Jacinta Jongon, Mis Jenny Conner, na Pater Mihalic.

kopra prais daun tru

Prais bilong kopra na olkain samting bilong kokonas i daun tru inap long \$103 long tan. Bipo liklik em inap long \$160

Olsem wanem? I gat tupela as bilong trabel.

1.) Longtaim tumas ol woksip bilong Amerika i stapim ol wok na ol sip i gat kopra i go long Yurop na ol i no baim gut.

2.) Mani bilong Amerika i lusim strong bilong en, na ol arapela mani long graun nau i seksek. Na i no gat planti kantri i laik baim ol samting.

Olsem tasol nau i gat trabel long ol plantesin bilong Papua New Guinea.

Skin Pukpuk

I no gat planti pukpuk tumas long Papua New Guinea moa.

Bihain long pait ol pipel bilong Fly Riva na Wara Sepik i winim gutpela mani long skin bilong pukpuk. Inap tude ol man i baim gut. Tasol ol pukpuk i no planti.

Olsem na dipatmen bilong Didiman i laik statim sampela fam bilong mekim kamap planti pukpuk.

Long Lake Murray long Papua ol i gat 18 ka'in fam olsem na wan tausen pukpuk. Long Wara Sepik klostu long Pagwi, Gaui Lokal Gavman kaunsil i gat dispela bisnis bilong mekim kamap pukpuk.

Ol i baim gutpela skin long tri dola long wanpela ins.

bikpela kot long rabaul

Long Rabaul ol i gat bikpela kot tru long ol 21 Tolai man i bin kilim Distrik Komisina, Mista Jack Emanuel long de namba 19 bilong Ogas.



Edita wantaim meri bilong em Frances na pikinini bilong tupela Deidre.

Long kot ol i painimaut wanpela man, nem bilong em ToValiria, i bin sutim kiap hia long bainet.

Mista Emanuel i bin go long wanpela plantesin long hap bilong Kabaira bilong stretim wanpela trabel. Tasol sampela de bipo planti man i bin kibung long kilim em. Olsem na taim ol i tok pinis wanpela man, nem bilong em Taupa, i go poromanim Kiap bilong go lukim wanpela ston bilong makim graun.

Mista Emanuel wanpela i go na i lusim ol plisman i stap. Em i pren bilong ol Tolai na em i no pret liklik. Ol i save gut long em.

Taupa tupela Emanuel i kirap lusim bus i ran i kam na i sutim bainet i go insait long brosbilong

kiap na em i ranawe i go. Planti arapela man i arere long bus na ol i penim pes bilong ol long pasin bilong pait.


Bihain long klostu wan aua, ol plisman i kam lukautim Mista Emanuel na ol i painim bodi bilong em long rot. Nau ol paitman long bus i kirap tromoim ston long ol.

Man hia ToValiria i tok se em i kilim kiap long wanem sapos em i no mekim, bai ol man i kilim em yet.

Man bilong bosim ol tingting em Taupa tasol, ol i tok.

As bilong trabel em i graun tasol. Long guttaim yet, long yia 1936, dispela trabel i kirap.

Ol Lotu i Bung Wantaim



Long tupela wik i go pinis i gat wampela bikpela miting long hap long Westen Hailans ol i kolim "Melanesian Council of Churches". Long dispela miting ol pesman bilong sevenpela bikpela lain lotu i stap hia long New Guinea ol i bung na toktok long ol samting bilong lotu na ol we bilong kamapim gutpela pasin hia long New Guinea.

Planti taim yumi harim ol misin hia long New Guinea ol i mas wok wantaim. I no stret ol save kros o resis long grisim ol man bai ol i kam insait long lotu bilong ol. Yumi olgeta boi bilong Jisas. Yumi olgeta bihainim tok bilong Baibel na watpo ol sampela

lain lotu ol i laik bagarapim ol wok bilong arapela lotu o ol i laik pulim ol man long lotu bilong ol?

Yumi olgeta i pilim dispela pasin i no stret na yumi kros long en.

Na olsem taim yumi harim dispela tok long miting long Westen Hailans Distrik yumi hepi tru. Bilong wanem? Yumi pilim olsem; i gutpela tru ol misin i sindaun wok wantaim long helpim wok bilong God na wok bilong gavman. Ol misin i kam long dispela kain wok tasol, ol i no kam long kros, pait wantaim ol arapela lain misin.

Taim dispela kaunsil i bung ol i paitim sampela

toktok long painim rot bilong stretim sampela trabel i kamap pinis long dring. Na tu ol i salim tok long gavman bai i mas helpim ol maritman i wok long taun na i no gat haus na ol famili bilong ol i stap long ples.

Yumi ol YC lida i harim dispela nius na amamas tru. Na tingting bilong yumi ol YC i go olsem. Yumi olgeta Kristen i mas helpim dispela gutpela wok bilong Kaunsil. Yumi no ken kirap kros, o pait wantaim arapela misin. Yumi olgeta i mekim wok bilong God. Olsem, taim bilong mekim wanem kain wok, olsem bilong helpim ol man i bagarap, o helpim ol sikman, o helpim wok bilong skul, o ol yangpela man long pilai o sosol-yumi mas bung wantaim na wok wantaim.

Long taim bilong lotu, orait yumi mas lotu long haus lotu stret bilong

yumi na adorim God long pasin bilong lotu stret.

Yumi ol YC i pilim i no stret sapos yumi lusim baptais o lotu bilong yumi na raun raun pulim o traime ol arapela lotu. Yumi memba pinis, yumi putim nem pinis long wampela lotu, orait yumi no ken seksek. Yumi mas bihainim ol lotu na lo bilong misin stret bilong yumi. Bilong wanem? Yumi putim nem pinis. Yumi baptais pinis.

Yumi mekim olsem bai yumi helpim wok bilong God wantaim wok bilong kantri bilong yumi.

Namba wan gavman i tok olsem long wampela kibung: "Mi laikim l i skul long tok inglis long ol skul. Tasol mi no tambuim ol long lainim tok ples bilong ol tu. Tok ples bilong man em i wampela samting i swit tumas long yau bilong em. Yumi mas helpim, yumi no ken tambuim".



Tupela memba bilong Haus Asembli, Momei Pangial na Koitago Mano, i wok long katim long sisis wampela rop bilas. Olsem ol i opim nupela rot i bungim Mendi long Saten Hailans na Kandep long Westen Hailans. Ol man i amamas long lukim wampela rot moa i bungim New Guinea na Papua.

Misis Barbara Labb bilong Mt. Hagen i lukluk raun insait long nupela stua bilong Mista Bamia Amol. Em i man bilong Madang stret tasol em i kirapim gutpela bisnis long Hailans. Stua bilong em i gat kaving bilong Sepik, ol spia na banara samting bilong Lake Kopiago, na ol kain kain laplap ol man bilong Westen Hailans i bin wokim long grass bilong sipsip.



LOT NUMBER
68/5050

Australian Importer's Bulletin

LIMITED OFFER
Subject to Terms Below

Spring, 1971, Edition

CLEAROUT OF SWISS AMPHIBIAN WATCHES HELD IN AUSTRALIAN GOVERNMENT BONDED

WAREHOUSE ONLY \$15.99 LIMIT: ONE TO A READER

FORCED TO SELL ENTIRE STOCK OF 1971 MODEL FOR ONLY A FRACTION OF THE REGULAR PRICE

The Bargain Clearout Offer described in this Australian Importer's Bulletin is for a short time only. Special discount prices apply only to men's 1971 deluxe model. Genuine Amphibian Watches have long been a favourite of Scuba Divers and active men throughout the civilised world. Goods have been held in Australian Bonded Warehouse, due to non-payment of storage and customs taxes. Now at last they are being released direct to the public at a fraction of regular prices. Watches sold on a first received, first mailed basis. Fast delivery assured. All orders processed within 48 hours of receipt. **LIMIT: Only ONE (1) watch to a reader at this reduced price.**

BRAND NEW 1971 DELUXE MODELS

These Scuba Divers' watches are brand new, in original factory packing. New, unbreakable Ebelium mainsprings. New, heavy-duty cases with rear closures of rugged, thick **STAINLESS STEEL**. Each watch absolutely **WATER RESISTANT**—hermetically sealed, then depth tested under water. These watches are warranted to withstand **6,000 POUNDS (3 TONS)** of undersea pressure per sq ft surface. Every watch has been equipped with a rugged **INSULATOR**—the time-honoured Swiss invention that gives it exceptional resistance to shocks, jolts, and constant rugged use. None offered to stores or watch jobbers.

AMAZING COMPUTOGRAPH DIAL HAS MANY SPECIAL APPLICATIONS

A unique, revolving **COMPUTOGRAPH** Dial is mounted on the outer rim of the Amphibian. This great development of Swiss technology has numberless applications in industry, business, sports, and the professions. Aids in timing speed of boats, cars, auto races. Useful for shop operations, photo-lab work, football, soccer, boxing. Special Lapsed Time function reminds of dates, business appointments. Reduces overtime on phone calls. Prevents overtime parking fines. *Over 97% of all watches made do not yet have this great modern convenience.*

ONE OF THE WORLD'S STURDIEST WATCHES EVER DEVELOPED IN OVER 300 YEARS

The Amphibian was originally made for deep-sea divers or frogmen. Their very lives could depend on a rugged, heavy-duty watch. Therefore, the clever watch masters of Switzerland engineered it to withstand staggering stresses and pressures—*without crushing or breaking down*. To accomplish this, they gave it unusual resistance to shocks, jolts, bumps, accidents. They put in a special metal alloy, unbreakable main-



SHOWN BELOW IS GUARANTEE GIVEN WITH EACH AMPHIBIAN WATCH

5-year Guarantee

All defective parts furnished at no cost to you. This includes jewels, springs, staffs, balances, gears, etc. Small handling charges to cover cost of

LIMITED OFFER—WILL NOT BE REPEATED AGAIN TO READERS OF THIS PUBLICATION

PROCUREMENT COUPON (below) at once. Upon receipt of same, one (1) watch will be mailed to each purchaser. Description of watch and full details of this importer's clearance offer are printed below.

SPECIFICATIONS OF WATCH OFFERED IN THIS BULLETIN

The following are detailed specifications for this nationally advertised watch. (A) TYPE: Genuine Amphibian—ideal for use on land, undersea, or in space. (B) CASE: Standard diameter—measuring 1 1/2 inches across. Ruggedly made with a special Bolt-On back of 100% stainless steel, burnished to a satin finish. Latest Astronaut-inspired design. (C) WORKS: Precision Swiss parts assembled in a renowned factory in TRAMELAN, Switzerland. Movement has integrated calendar section that changes date every 24 hours at

the stroke of midnight. Works are inspected and electronically timed before insertion into the case. (D) WATER RESISTANT: This amazing watch is water resistant (not just "semi" water protected). User needs only to keep crown, case and crystal intact to preserve water resistance. Special internal rubber seals keep out water, dust, grime and grit—the four great enemies of watches. (E) BUILT-IN RESISTOR: This device gives positive resistance against damage from shocks, rough usage, jolts, etc., etc.

Listing of Some of the 35 Special Features Found in this Watch

- Hermetic Pressure-sealed Case
- Guaranteed Water Resistant*
- Built-in X-7 Shock Resistor
- 60-minute All-purpose Timer
- 3 Luminous Timing Hands
- Rotating Outer Dial
- 2 Independent Dials
- Precision Second Calibrator
- Date-O-Matic Calendar Window
- Glowing Underwater Dial
- Checks and Times Parking Meters
- Bonded Unbreakable Crystal
- Built-in Lapsed Time Computer
- Anti-magnetic Movement
- Ehelium Unbreakable Main Spring
- Solid Stainless Steel Screwback
- Times Factory Operations
- Times Horse and Auto Races
- Business Appointment Reminder
- Tropical Rot-proof Strap
- Fine Jewellers' Finish Casing

*Provided case, crown and crystal are intact.

strong it takes months, even years of treatment that could ruin an ordinary watch in 5 minutes. A watch so dependable and well-engineered that it carries a 5-year Service Certificate.

FREE 7-DAY EXAMINATION

Purchasers may examine, use and try one (1) watch without risk or obligation. This timepiece is absolutely guaranteed to give satisfactory performance. Otherwise return for immediate refund by return mail.

PLEASE OBSERVE CAREFULLY

This is a strictly LIMITED CLEAROUT OFFER. It is subject to all the Rules and Conditions shown in coupon. Please do read and follow these easy rules. This will prevent delay and ensure prompt delivery to your home.

USED BY ACTIVE MEN IN OVER 25 COUNTRIES

This amazing watch is not used only by Scuba Divers. Well over a million men—in all walks of life—own Amphibian watches. These are executives, professionals, business leaders who are tired, frustrated and angry with fragile, flimsy watches that are always breaking down. You'll also see this type of watch on the wrists of brawny construction men at work, army and naval officers, aviators, golfers, bowlers, tennis players, etc. Famous in over 25 countries 'round the globe, it's truly a prized possession for men of action—a masterpiece of contemporary design! Makes an excellent birthday or Christmas gift. Now available to you at a deep-cut, clearance price—while current warehouse stock is available.

TO ORDER WATCH, PLEASE USE THIS SPECIAL PROCUREMENT COUPON

To: Classique Imports, P.O. Box 75, Red Hill, Qld. 4059.

RULES AND CONDITIONS (PLEASE OBSERVE WITH CARE)

1. Only ONE (1) genuine Amphibian watch per reader at special discount price of \$15.99
2. No phone or C.O.D. orders.
3. Add 80 cents for postage, handling and full insurance to your home. Deluxe Gift Box and 5-year Guarantee Certificate given with watch.
4. 7-day free examination and trial permitted. Satisfaction guaranteed or money back.
5. This offer is for prompt acceptance. Orders received too late will be returned immediately to sender.


Print Name.....
 Address.....
 City.....
 State..... Postcode.....

WANPELA KAMPANI BILONG AUSTRALIA I SALIM DISPELA TOK I KAM LONG MIPELA BAI MIPELA I PRINIM LONG NIUSPEPA NA OL RIDA I KEN BAIM DISPELA HANWAS. OL I NO GAT PLANTI. YU KEN BAIM WANPELA BILONG YU STRET. HARIAP.

Samting bilong man o meri i smat moa
 Blakpela hanwas i lait long nait.....
 I no ken bruk inap 5-pela yia
 Yu ken swim wantaim em.....

Katim dispela tiket na salim wantaim sek inap \$16.79 i go Tong:
 Classique Imports
 P.O. Box 75
 RED HILL, QLD. (4059)

Watpo yu salim \$ 16.79 i go ...	
Hanwas i kostim	\$15.99
Bi long ba im pos80
	\$16.79



Meja Lowa

Wanpela ofisa bilong 2 P.I.R. long Moem Bareks klostu long Wewak, nau em i wok long ami bilong Australia, ol i mekim em wanpela Meja pinis.

Em i Meja B.P. Lowa. Meja Lowa em i ken givim komani long wanpela kompani nau insait long dipatmen bilong ami. Meja Lowa bai wok long 2 P.I.R. long Wewak.

2 PIR i Wok Bus

I no longtaim i go pinis, ol soldia bilong 2 P.I.R. long Wewak ol i bin pinisim wanpela wok bus, ol i kirap long hap bilong Lake Kopiago long Westen Hailans Distrik na i go inap long Ambunti long Is Sepik Distrik.


Dispela wok bus em i wanpela hatpela wok bus tru em ol soldia bilong 2 P.I.R. i no bin mekim bipo. Na tu ol arapela dipatmen bilong gavman i no mekim kain wok bus olsem bipo. Insait long dispela bus ol maunten i antap moa na ol soldia i go kamap long bikbus tru i no gat man i stap long en.

Taim ol soldia i kam bek long hap bilong Sepik Distrik, ol i pasim ol hap diwai na ol i drip i go daun long ol hanwara bilong Sepik. Taim i no-gut tru. Ren i kam na tait bilong Sepik i Kap-saitim ol diwai i go daun long wara. Dispela wok bus i kisim 37 de olgeta.



Wanpela soldia i toktok wantaim sampela man insait long bikbus bilong Westen Hailans.

WANTOK - Trinde, Novemba 3, 1971 - Pes 10



Ol soldia bilong 2 PIR i sindaun insait long bikpela balus Karibu.



Ol soldia i brukim wanpela kolpela wara tru.

Politikal Edukesen

Watpo Tom i Joinim Pati

Yumi wokim wanpela liklik stori. Em i potnait na Tom i sanap lain bilong kisim pe bilong em. Em i kisim gutpela pe na olsem em i mas takis long gavman.

Takis i Kam We?

Gavman i gat planti kain pasin bilong kisim takis. Takis i save kam long: ol bikpela pe olkain laisens ol redio ol sigaret ol bensin ol ka ol trak

Takis i Go We?

Takismani i save mekim wanem kain wok? Long ol takismani gavman i save mekim wok long:

ol skul
ol haus sik
ol rot
ol bris
ol ples balus
ol pasis

Tom i Laik Bos

Tom i helpim gavman long takismani bilong em

na olsem em i tok: Gavman i kisim mani bilong mi, orait mi laik bosim pasin bilong yusim dispela mani. Tasol Tom em i wanpis. Em i no inap long bikpela gavman. Bai em i ken kisim strong we?

Ol Wantingting

Ol man i tokim Tom em i mas insait long wanpela politikal pati sapos em i laikim ol aidia bilong em i win. Tasol Tom i longlong. I gat planti kain politikal pati. Bilong wanem? Bikos i gat planti kain tingting. Ol

Watpo Takis Long Pati?

Orait, nau Tom i laik insait long pati. Olsem i mas gat mani bilong baim rot bilong ol spika i raun nabaut givim aidia na tingting bilong pati i go long olgeta hap. Olsem bai planti man moa i insait long dispela pati.

Makim Kandidet

Orait, long wanpela wanpela hap pati i makim wanpela man olsem pesman o kandidet bilong ol. Ol i laik em i sanap long Haus Asembli olsem maus bilong ol yet. Em i mas bringim ol tingting bilong ol i go insait. Nau ol memba bilong pati i kirap vot long dispela kandidet bilong ol. Olsem na em i win.


Long Haus Asembli

Sapos pati i win long planti distrik, bai em i g-t planti memba insait long Haus Asembli na ol aidia bilong dispela pati yet i bosim kantri. Pati i gat strong i gat memba i bosim olkain komiti na hap gavman.

Tom i Win Nau

Olsem tasol yu lukim nau Tom i insait long wanpela politikal pati i gat wankain tingting olsem em yet. Nau dispela tingting i go insait long Haus Asembli na gavman na Tom i win.


Saun bilong SANYO gutpela tumas



Soim istap antap emi piksa bilong 11XA853. Emi namba wan 10 transista redio bilong harim tok long olgeta graun. Long han rait emi 8 transista redio ino hevi na isi gutpela redio em bai klia saun sapos yu kisim long we stesin.

**LUKIM SANYO
ISTAP LONG STUA
LONG HAP BILONG YU**

Sanyo i ken mekim yu makim draipela redio, stat long 8 transista i go kamap draipela samting tru em inap long kisim stesin long we. **Wonem kain samting yu laikem long harim, Sanyo i gat.**



BRECKWOLDT & CO. (N.G.) PTY. LTD.

Port Moresby,
Box 1549,
Boroko.

Madang,
Box 185.

Lae,
Box 557.

Rabaul,
Box 222.

Mt Hagen,
Box 237.

Wewak,
Box 178.

Kieta,
Box 72

Moa Poto i Winim \$ Wan Dola \$



Gutpela pasin: papa i mekim mama i naispela.
(Vincent Sawiang)



Yu wet liklik. Bai dispela meri i kamap Mis
New Guinea. (Joe)

PLIS SALIM NAISPELA POTO I KAM LONG MIPELA

*Yu no ken stilim poto long wanpela buk, nogat.
Yu no ken salim poto i gat kala, nogat.
Yu no salim poto bilong man i sanap tasol.*


*Olgeta poto yu lukim long pes hia, olgeta ol i
winim wan dola wan dola.*

Salim ol poto i kam long: WANTOK
P.O. BOX 298
WEWAK

(Mipela i no ken salim poto i kam bek. Sori.)



Yu no ken lap long pes bilong
mi. Pes bilong yu tu i pen sapos
yu mas kalapim maunten olsem mi.
(Goli)



Skul kwaia bilong St. Fidelis, Kap (Camilus Walangu)



TOK I KAM LONG OLGETA HAP

Saina insait long Yunaitet Nesens

Long de namba 26 bilong Oktoba ol 131 memba bilong Yunaitet Nesens i vot long bringim kantri Saina insait long asem-oli bilong ol. Ol 76 vot i yesa long dispela samting; 35 vot i egens, na 17 kantri i no laik vot.

Australia na Amerika i pait strong long larim Saina na kantri Formosa o Taiwan, tupela wantaim i ken stap insait long Yunaitet Nesens. Tasol vot bilong tupela i lus.

taiwan

Nau Taiwan i raus pinis long Yunaitet Nesens na i no asua bilong en yet. Em i no mekim wanpe-

la rong. Nogat. Em i namba wan taim wanpela kantri i raus pinis.

Inap nau Taiwan i holim ples bilong ol Saina insait long Yunaitet Nesens, long wanem em i fri kantri. I olsem ol man hia i gat independens. Yunaitet Nesens yet i helpim Taiwan taim em i sanapim nupela gavman. Nau ol i rausim en.

Namba wan bilong ol Taiwan, Presiden Chiang Kai-Shek i kros tru na i tok ol planti smolpela kantri long Yunaitet Nesens i bihainim tasol maus bilong ol sampela bikpela kantri.

Bikpela bilong ol Saina, Mao Tse-Tung, i redi

nau long salim ol deliget bilong Saina i go long New York long Amerika, em as ples bilong Yunaitet Nesens.

saina

Sampela man i strong long putim Saina insait long Yunaitet Nesens bikos em i bikpela kantri tumas bilong graun. Em i gat 750,000,000 pipel. I olsem: bilong wanpela wanpela man bilong kantri bilong yumi, i gat 300 ol Saina.

Amerika i kros tru bikos ol memba i bin rausim Taiwan. Ol i pret bai nau planti trabel i kamap long Yunaitet Nesens. I gat planti kantri i gat tupela hap bilong ol

Yu ting tasol long Korea na Jemani na Vietnam.

Orait. Sapos Korea o Jemani o Vietnam i laik kam insait long Yunaitet Nesens, olsem wanem? Bai tupela hap kantri i kam insait wantaim? Sapos yu tok yes; orait mipela i askim: bilong wanem yu no larim tupela Saina tu?

Sapos yu tok: nogat, wanpela hap kantri tasol i ken kam insait, orait, nau mipela i askim: wanem hap? Hap i gat independens o hap i komunis? Kantri bilong ol komunis i no gat independens.

Yunaitet Nesens i pait oltaim long helpim kantri i kisim independens. Sapos nau ol i larim ol kantri komunis i go insait, ol yet i abrusim ol lo bilong ol.

NATIONAL PORTABLE RADIOS




THE NAME IS **NATIONAL**

NATIONAL is the best radio

you can buy. **NATIONAL** is

the best value

for money.



ASK FOR NATIONAL

AT YOUR NEAREST STORE.

THE NAME IS **NATIONAL**

Burns Philp (N.G.) Ltd.

for service and real value.



Kantri Bai i No Bagarap

Wanpela bikpela bisnisman bilong Australia, nem bilong em Mr. Steven Rich, i tok ol man i no ken pret bai Papua New Guinea i bagarap olsem sampela kantri bilong Afrika long taim bilong independens.

Em i tok planti man i ting bai ol lokal pipel hia bai ol i pait wantaim olsem ol pipel bilong Kongo na Nigeria.

Tasol Mr. Rich i tok em i no bilipim dispela tok bilong ol.

Mr. Rich i tok yumi mas lukluk long go het bilong dispela kantri long 10-pela yia i go pinis.

Dispela man i bosim wanpela bikpela kampani ANG Holdings Ltd. na i tok em i ting bai dispela kantri i kamap gut olsem Fiji.

tok win

poro i raitim

EM I SKUL WE?

Meri bilong wanpela tisa i go long stua i laik baim rais. Stuakipa i askim em: "Yu laikim waitpela rais o braunpela?"

Em i bekim tok: "Waitpela. Braunpela em i bilong ol kakaruk tasol." Tru, a?



BAIBEL I TOK

Mista Paulus Arek i kirap nogut bikos em i lukim ol lida bilong yumi i gat bikipela namba tru taim ol i go i stap long ol narapela kantri. Tasol taim ol i kam bek long Papua New Guinea, ol i pilim ol i olsem man nating.

Sori, Mista Arek. Ating yu lusim ting long tok bilong Nupela Testamen. Lukim, plis, Matyu 13:57



PISIN LONG PAPUA

Long Popondetta Vokesenel Senta ol i kirapim wanpela kos long skulim ol lokal pipel long pasin bilong lukautim gut ol pik.

Direkta i tok ol i mas mekim dispela skul long tok pisin bai ol man i ken kisim gut save.

Aha! Mi ting ol Papua i skul long tok Motu tasol? Yu save, Popondetta i stap long Noten Distrik bilong Papua.



SAVE SKELIM GUT DRING

Balus TAA i lusim Mandang i flai i go long Wewak. Misis bilong Balus i raun long askim ol pasindia ol i laik drinkim wanem samting: kopi o ti o lemanet o

Waitskin i tok em i

laikim kopi. Tasol poroman Blakskin i singaut long wanpela wisiki.

I orait. No gat tok. I samting bilong em. Laik bilong wan wan

Bihain tupela poroman i kirap skrapim tok liklik, na man bilong New Guinea i askim: "Yu bilong Wewak stret?"

Em i bekim: "Yes."

Na waitman i askim em: "Ating yu no bilong Wewak. Yu kam hia long painim wanpela nupela wok, laka?"

Man i bekim tok: "Yes. Em tasol. Mi bilong dispela komiti i raun nabaut askim long olkain pasin bilong dring."

LUKAUT, DRAIVA

I gat sampela tok i kamap long yau bilong mipela. Bihain liklik bai dipatmen bilong plis i bosim ol ka na rot i laik strongim ol lo. Ol i laik larim 5-pela nupela PMV trak tasol i ken kisim laisens long wanpela wanpela mun. Olgeta arapela nogat.

PMV trak i laik karim ol pasindia i mas gat lata bilong go antap, i mas gat bang bilong sindaun ol i pas tru long trak, na dispela trak i mas gat kanis o rup antap long en.

Pasindia i no olsem

kago nating, i mas sindaun long plua na larim ren i wasim em na san i boinim em. Nogat.

Ol i tok ol i laik kirapim dispela pasin long liklik taun Wewak pas-taim. Tasol bihain bai em i kamap long olgeta hap. Mobeta yu redi.



TRAIM SAVE BILONG YU

Painim tripela wot o tok inap long pulapim dispela pasel. Maski, yu rit i go daun o yu rit i go long raithan, tripela tok i wankain. Traim.

(Painim ansa long pes 15)

SOUTH PACIFIC LAGER



OLTAIM YU TINGTING LONG BIA YU TINGTING LONG SP

YU KEN KISIM LONG OL HOTEL KLAP NA STUA

Kieta

Lang kaunsil komprens long Tinputz ol kaunsila salim pas i go long gavman bai ol skwata na an i no gat wok long ap bilong Kieta i mas raus na go bek long ples bilong ol.

Olgeta Bougainville kaunsil i kibung na i orait long gavman i mas salim wanpela lain man bilong go raun long ailan bilong ol na painimaut sapos ol i laik lusim Papua New Guinea o nogat. Tasol dispela lain bai i no ken raun bipo long ileksen bilong 1972.

Mr. Middlemiss i tok Bougainville em i beng na haus kaikai tasol bilong ol retskin bilong Papua New Guinea.

Sampela tok tu i bin kam long ol ailan klostu long Bougainville nau ol i stap aninit long Englan na ol i laik insait nau wantaim Bougainville.

Lae

Lae Taun Kaunsil i tok bai ol man insait long taun i no mas baim takis na dispela tok ol i no laikim tru long Huon Lokal Gavman Kaunsil.

Presiden bilong ol, Mr. Mamu Rapup, i tok nau bai ol man i lusim ples na i ranawe i go long ol taun tasol. Na olsem bai ol i abrusim ol takis bilong ples. Bihain tu

bai ol man i no laik baim takis bilong kaunsil. Bai ol i tok watpo ol i mas baim takis long ples na long Lae ol man i no mas baim?

Lae Taun Kaunsil i wari nau long dispela tok bilong sampela lokal pipel, ol i tok yumi mas rausim ol waitman taim yumi kisim independens.

Dispela toktok nau i bagarapim sampela bisnis na ol waitman i no laik moa long kirapim nupela bisnis. Ol i les pinis na i pret.

Bali Witu

Ol kaunsila hia i putim prais long ol samting bilong baim meri. Wanpela mekpas bun bilong wing bilong muruk em inap long wan dola. Bun bilong lek bilong muruk em inap long ten sen.

Kaunsil hia i gat lo; pe bilong meri i no ken antap long \$60.

Asaro-Watabung

Kaunsil hia i bin bungim \$36,804.00 takis mani. Ol man long dispela hap i gut tru long baim takis. Kaunsil i mas bungim yet \$196 dola tasol.

Ol i wok gut tru long wanpela bris long Wantirifu. Simen ol man i bin wokim pinis, nau ol bun ain i kamap long ol trak bilong Goroka Kaunsil. Nau ol i weldim.

Long Amaiyufa tasol ol

man i no wok gut wantaim ol kaunsil na olsem wok long sampela skul i pas.

Kaunsil tu i kirapim wok pik, bai ol nupela na bikpela pik i kamap. Ol i baim 3-pela liklik pik pinis, inap \$74.

Long Lunipe Rot i gat 2-pela trak na 2-pela trakta i wok.

Dispela wik ol i kibung long tok long laisens bilong salim dring.

Nu Ailan

Ol 5-pela lokal gavman kaunsil bilong Nu Ailan i laik bihainim tingting bilong kaunsil bilong namba wan gavman. Bipo ol i tok long bungim ol kaunsil bilong wanpela distrik.

Orait long de namba 2 inap 4 bilong Novemba ol i laik toktok long ol dispela samting long kibung bilong ol kaunsil long Namatanai.

Kain pasin olsem bilong bungim ol kaunsil ol i kolim Eria Atoriti.

Em bai kisim ples bilong kiap, na olsem tasol pasin bilong selp gavman i stat long kamap.

Insait long dispela Eria Atoriti bai i gat wanpela pesman bilong wanpela wanpela kaunsil, olgeta memba bilong Haus Asembli long dispela distrik, na Distrik Komisina tu.

Dispela em i namba wan taim long Papua New Guinea ol i kirapim tru pasin bilong Eria Atoriti. Ol man i laik askim long dispela samting i ken salim pas i go long P.O. Bos 34, Kavieng.

Ansa bilong pasesel i stap long pes 14:

P O S
O N A
S A N

KLASIFAIT

PABLIK NOTIS

BUK PREA. Yu laikim buk long beten long nait? Salim pas long Booklet, Box 1096, Boroko. Kisim nating.

Wantok Publications, P.O. Box 298, Wewak, i wokim, na Wirui Pres long Wewak i prinim.

KRISTEN PRES i wokim kain kain buk bilong strongim bilip na bilong sanapim gutpela pasin na sindaun na bel isi bilong ol manmeri na ol pikinini.

Nau yu ken baim 4-pela "Arch Book" long tok Pisin:

**Pis I Kisim Jona
God I Helpim Daniel
Haus Antap Long Ston
King Em I Singaut**


4-pela Baibel stori bilong ol pikinini.
Ol papamama i laikim ol tu.

Salim oda i go long:



KRISTEN PRES

Sales Division
The Christian Book Centre
Box 222, Madang



Malangau No. 5

NIUS BILONG CENTRAL NEW IRELAND

September 1971

Em hia nem bilong niuspepa bilong kaunsil insait long Nu Ailan. Em i gat planti nius long en na i go long olgeta hap bilong ailan hia.

